

列  
朝  
詩  
集

列朝詩集

甲集第五之上

高太史啓

集外詩一百四十九首

詠殘燈和楊孟載

疑寒結重暈  
逼曙零孤朵  
膏空逐漏水  
焰在同爐火  
戀影未成眠  
更就餘光坐

柳絮

輕盈易飄泊  
思逐春雲亂  
已拂武昌門  
還縈灞陵岸  
沙頭雀啄墮  
水面魚吹散  
官樹曉茫茫  
哀歌腸欲斷

贈竹里子

弭楫望迷林  
閒爲淇澳吟  
君家不可見  
但聽烟中禽  
日落浦雲遠  
雨餘江水淡  
非同抱清節  
歲晏復誰尋

送王推官赴官譙陽

久治亂所伏  
國家失其防  
初如決洪流  
拱手徧四方  
頻年勞訐謏  
欲補千百瘡  
子爲京師客  
忠憤何慨慷  
濯冠捧書函  
平明獻朝堂  
上言固大業  
下

言振頽綱且爲有万死聖明察臣狂臣言倘獲施立能致時康宸居豈云  
遠遙指天中央雞鳴列仙仗九門洞開張謂宜只召見拜起隨班行上殿  
笏畫地論奏盡敷詳如何竟報缺不得瞻清光一官非所願欲令赴蠻荒  
徘徊出都門風雨濕曉裝行行過吳洲木葉秋始黃逢子解鞍飲激烈推  
酒牀平生憂時心辛苦不自忘頗聞到官所此去路尚長紅日出霧遲孤  
城海茫茫遺民似猿鹿山谷多驚藏繁英豔躑躅瑣瑣實推檳榔瘴癘況時  
作投老恐子傷何不且少留共驚豪華鄉子笑不我顧翩然決南翔明朝  
指鯨波高帆若雲揚去矣各異國有意徒相望

剡原九曲 九首

欲知溪流長百轉來越嶠舟行安能極嵐路入斜照清景不足娛昔人豈  
辭詔石硯久誰磨空林閉遺廟義之隱此六詔徵之方走有石硯存焉

殿中初未仕高節振衰謝讀書在茲丘蕭然竹間舍王來有溪言留宿山  
水夜誰云南陽翁獨枉將軍駕五代陳文雅隱此錢忠懿王親造起之留旬月而去後日至殿中默

山折水暫旋山開水仍往東陂匯初成秋色滿然廣碧羅花茸茸月映石

壁上何時試沿洄一理烟中舫

奇鳴集泛南溪之一

密篠覆碕岸石穴黝而深居人負薪歸駐聽風水音回看蓮花峰靄靄生  
夕陰不有僧鐘來高路誰能尋

石洞篝火入石室敷牀居白雲開層巔上有丹霞書神仙不遠人但使粗  
穢除何必瀛洲外茫茫問殿車

山上有丹霞二字若朱書卽丹山赤水洞天也

危梁渡清瀨逶迤入前渚犬鳴樹蒙籠烟景暗虛聚雨中耕叟歌月下歸  
人語欲尋仙尉踪淒涼一茅宇

清暉沈悠悠東與班溪合菱葉間荷花風來秋颿颿久行愁寂寞忽有人  
烟雜我欲發棹謳漁郎肯相答

奇鳴集泛南溪之二

俗駕不可到有地嶼中小迴迴別澗通宛宛連崗繞人家陵谷暗不見旭  
光曉東作起炊藜惟應候啼鳥

入江水稍決霜降未可涉頗聞往來人出門卽舟楫前飛鷺鷥遠下飲垂  
孫徒何處問興公風吹赤棠葉

水通鄞江晉孫興公嘗種甘棠於此

夜起觀月

一春夜多雨今宵初月明  
窻間幽夢覺起憶故園行  
露下花微委烟中鳥  
忽鳴誰同賞清景惆悵倚前楹

舟中早行

隆隆津鼓動江火留餘閃人家未起耕近水寒扉掩船開鳬鴨散樹吐烟  
霏斂東郭去方遙青山見孤點

題曹氏春江雲舍

遙波靄微雲禽寒少相語君家在空闊欲往迷洲渚紛紛樹離霧稍稍花  
滴雨日暮坐相思江東渺何許

送黃主簿之湖州歸安縣

我歌柳惲詩送子南汀發山城逢社雨綠樹啼鶯歌留連孤艇遲惆悵雙  
瓶竭高士尚爲簿休慙府中謁無事坐閒廳彈琴看湖月

書東園老翁壁

燕雀各已乳飛飛風日暄一徑入桑苧幾家同灌園莫將當世事閒與老  
翁言

鑿渠語

鑿渠突一十尋鑿渠廣八十丈鑿渠未苦莫嗟吁黃河曾開千丈餘君不見賈尚書

題朱氏梅雪軒

石城山居梅萬塢冒雪曾來扣僧戶爛然如見曾尋妃白鳳繽紛下瑤圃數片輕吹着鬢華乍看是雪又疑花迷魂亂眼春如海那辨南枝映竹斜獨披鶴氅穿林去凍壓寒梢應幾樹聽響方知夜酒時聞香始識繁開處回首春風憶舊遊夢尋歸路隔羅浮年來驢背無詩思醉踏塵埃空自愁聞道君家溪上下玉蘂瓊英巧相亞履跡誰來東郭朝笛聲不起南樓夜翠羽驚啼莫怨猜破寒宜共一樽開雪晴花發須相記我亦扁舟乘興來宿蔡村夜起

倒掛

四更雞叫七星爛獨起開門候天旦月掛愁邊人影低風驚夢裏鳥羣散孤舟嫠婦寒自泣破屋老農貧屢歎早食欲發未遑安客路飄零正多難綠衣小鳳啼愁罷瘦影翻懸桂枝下芙蓉帳裏篆消時解斂餘香散中夜鐘鼓迢迢鎖禁門宵衣未得奉明恩五更香冷羅浮月想憶梅花應斷魂

菜蕘爲余唐卿賦

柱桐里中君始歸菜花滿園黃蜂飛桔槔倚樹長不用江南雨多山土肥  
方畦獨遶看新綠晚食何須尚思肉翠縷登盤春薤香金釵出盎冬菹熟  
我家亦在蕘菰鄉秋風便應歸共嘗潮州司馬成何事回首空愁足萬羊  
夜泛湖至東舍

漁却港頭初月上鵝鴨不驚菰荻響隔湖烟寺遠鐘來居人盡歸吾獨往  
寒風蕭蕭寒浪生舟中欠載酒壺行東家未宿如相待黃葉青燈機杼鳴  
約諸君遊范園看杏花

去年春色近清明萬匝烟花夾曉城西苑相逢車馬問何人不是踏春行  
今年人迷去年道風雨不來花自掃僧寺庭空半紫苔侯家宅廢皆青草  
縱然無主一株存憔悴塵沙不可論野外日斜啼鳥散消愁無處却消魂  
魏公園林芳塢下聞有柔枝正堪把休言亂後少花看得花前人亦寡  
明日尋君君莫違共隨遊蝶弄晴暉閉門夢斷江南晚忍見迢迢春自歸

鷗捕魚

秋江水冷無人渡羣鷗忍饑愁日暮白頭來往似漁翁心思捕魚江水中

眼明見魚淡出水復恐魚驚隱蘆葦須臾得上平沙鱗鬣半吞猶見尾  
江魚食盡身不肥平生求飽苦多饑却猜人少忘機者海上相逢不飛下

題朱澤民荆南舊業圖

睢陽醉磨一斗墨夢落荆南寫秋色大陰垂雨尚淋漓哀壑回風更蕭瑟  
楓林思入烟霧清湖水愁翻浪波白溪上初逢野老航山中遠見先生宅  
秫田半頃連圩區茅屋三間倚蘿薜僧來看竹乘小輿客去尋岑借高屐  
任公臺下石可坐周侯廟前路曾識虎跡時留幕臺紫蛟氣或化秋雲黑  
城郭當年別已久風塵此日歸不得落日書齋半壁明圖書臥對空相憶

次韻答朱冠軍遊西城之作

前年城西作冶遊柳條拂蓋花迷舟笑看明月間狂客我舉太白君當浮  
去年城西復偶住酒伴家家邀卽去東鄰寺裏花正開半醉半醒遊幾度  
今年有花愁獨尋閉門三月臥春陰將軍小隊遊何處日暮空聽車馬音  
臯橋秦娘殊窈窕爲我喚來歌水調客愁草草不易除世事茫茫本難料  
玉壺一雙秋露傾惟此可以忘吾情醉歸共射草中石笑劈弓弦霹靂鳴

朝鮮兒歌

予飲周檢校宅有二高麗兒歌舞者



朝鮮兒髮綠初剪齊雙眉芳筵夜出對歌舞木綿裘軟銅鑲垂輕身回旋  
細喉轉蕩月搖花醉中見夷語何須問譯人淡情知訴離鄉怨曲終拳足  
拜客前烏啼井樹蠟燈然共訝玄菟隔雲海兒今到此是何緣主人爲言  
曾遠使萬里好風三日至鹿走荒宮亂寇過雞鳴廢館行人次四月王城  
麥熟稀兒行道路兩啼飢黃金擲買傾裝得白飯分食趁船歸我憶東藩  
內臣日納女椒房被緯翟教坊此曲亦應傳特奉宸遊樂朝久中國年來  
亂未鋤頃令貢使入朝無儲皇尚說居靈武丞相方謀卜許都金水河邊  
幾株柳依舊春風無恙否小臣撫事憶昇平尊前淚瀉多於酒

謁張中丞廟

延秋門上烏啼霜羯奴曉登天子牀江頭老臣淚暗滴萬乘西去關山長  
公卿相率作降虜草間拜泣如羣羊當時不識顏平原豈復知有張睢陽  
孤城落日百戰後瘦馬食尾人裏瘡男兒竟爲忠義死碧血滿地嗟誰藏  
賀蘭不斬上方劍英雄有恨何時忘千年海上見祠廟古苔叢木秋風荒  
摩挲畫壁塵網裏勇氣燁燁虬鬚張巫歌大招客酹酒忠魂或能來故鄉

題趙希遠畫朱杭京萬松金闕圖

長松掀髯若羣龍下達宮闕雲千重鳳凰山頭望前殿翠濤正涌金芙蓉  
海門日出潮初上白鶴飛來近仙掌百官候綬紫宸班露滴朝衣氣森爽  
漢宮楊柳唐宮花容易零落空繁華何如可獻至尊壽茯苓美似安期瓜  
鑾輿因戀湖山好樓閣清陰勝蓬島不知風雨汴陵前虜卒新樵幾株倒  
當時榻前初進圖黃金趣賜聞傳呼何年流落在人世父老猶看思舊都  
客行近過吳山下落葉空林惟敗瓦豈無畫史似前人秋色淒涼不堪寫  
送貢士會試京師

國家文治今百年多士孰賚皆知天南宮坐試二三策能使海內無遺賢  
院門晨開官燭爛白袍鵠立人五千上談禮樂祖姬孔下議制度輕讎玄  
臨軒曾看宰相賀雲間盡見當臚傳看花或騎太僕馬錫宴毋給司農錢  
登朝出牧知幾輩冠珮劍舄紛相聯邇來國運屬中圯爭慕死節羞生全  
潯陽老守血洒地甬東大將魂沉淵迺知儒術王政本至此正賴扶傾顛  
諸生區區抱遺籍草萊竄亡亦可憐南方上公境獨治鹿鳴更欲興賓筵  
張君幾年客夜雨古檠空案親韋編逢時頗欲見行事豈但持作求魚筌  
入場又手萬言畢眾目一葉驚先穿辭家又隨計吏發京城遠瞻北斗連

秋風吹衣別酒冷枯楊淺水聞門邊君行勿亟我有語落日尚在車衡懸  
竊聞天子正側席此去爲拜彤庭前揮毫休奏醴泉頌給札莫賦凌雲篇  
但當開口論世事號今次第宜何先坐令王綱復大正乾樞共仰天中璇  
我今有志未能往矯首萬里空茫然

京師苦寒

北風怒發浮雲昏積陰慘慘愁乾坤龍蛇蟠泥獸入穴怪石凍裂生皴紋  
臨滄觀下飛雪滿橫江渡口驚濤奔空山萬木盡立死未覺陽氣回淡根  
茅簷老父生無褐舉首但望開晴曦苦寒如此豈宜客嗟我歲晚飄羈魂  
尋常在舍信可樂跡頭每有松醪存山中炭賤地爐煖兒女環坐忘卑尊  
鳥飛欲斷况無友十日不敢開衙門竭來京師每晨出強逐車馬朝天闔  
歸時顏色暗如土破屋暝作飢鳶蹲陌頭酒價雖苦貴一斗三百誰能論  
急呼取醉竟高臥布被絮薄終難溫却思健兒戍西北千里積雪連昆侖  
河冰踏碎馬蹄熱夜斫堅壘收羌渾書生只解弄口頰無力可報朝廷恩  
不如早上乞身疏一義歸釣江南村

次韻楊孟載早春見寄

雪後西園韭初剪流澌晚動春塘淺閉門有客抱濃愁久不題詩視生蘚  
風塵健兒誇得意獨坐寂寥誰所遣應緣少學與時違不習弓刀誦文典  
城中物貴市門靜好事猶能具盃臠琴堂朝夕共清歡舉白頻浮不容免  
鈴騶已遊賓客醉深夜垣扉罷扇捷一燈留照對牀談沸鼎松聲烹綠薺  
五更上馬子先去擁被獨眠窻日昃起聞啼鳥忽興發欲往江邊雲隔嶽  
人家舊燕盡巢林草滿長洲絕遊蹤春耕咫尺阻歸計野水自流閒滄畎  
吾鄉繁華天下稀花柳村村隨步轉久聞離亂今始見烟火高低變烽燧  
登臨吹笛散羣羗此事空嗟千古鮮朝來風雨况淒黯雨濕城頭旗不展  
鄰里衝泥備役夫縣官不召憐疲喘安居且復俟時寧出豈無能非退卷  
范庄紅杏幾株在好待開時同折撚對花憂患不須言剩喚一盃供脚軟

媯蜚子歌爲王宗常賦

媯蜚子乃是軒轅之裔虞鰥之孫混沌旣死一萬季獨抱大存竊伏在草  
野冥心究皇墳蚤逢三光五岳之氣乍分裂天狼下地舐血流渾渾鹿走  
秦中原蛇鬪鄭國門俎豆棄草莽干戈歟崩葬媯蜚子便欲東遊渡弱水  
沐髮滄海朝陽盆又欲西行沂河漢踰崑崙山橫川阻兩地俱不可以往

分歸來掩戶臥旦昏時黍一區注醪一樽妻給井曰兒收雞豚不詰曲以  
媚俗不偃蹇而凌尊作爲古文詞言高氣醇溫手提數十管欲發義理根  
上探孔孟心下弔屈賈魂其質耀金石其芳吐蘭蓀叩虛答有響斲險成  
無痕陸珍雜水怪變狀弗可論幾年元元不肯出坐待真主應運九五開  
乾坤鶴書自天來陶隱初見拔使者遠造廬雞鳴起膏轄興纂金匱編尚  
書爲給劉奸魂泣幽塚下恐遭誅殺書成一代進紫宸鸞旗羽衛夾陞陳  
閣門尋謁稱小臣脫衣不脫拜聖人捧函近前殿龍顏喜回春敕資內帑  
之金與綺段其文織作銀麒麟蒙恩乞還家以奉白髮親戴古弁垂長紳  
自號山澤之臞民鵷雛千幸際明良時無爲寂默坐老東海湄青丘有客  
鈍且癡與汝欲結同襟期左鼓清瑟右吹鳴篴作歌共祝天子壽五風十  
雨萬國赤子同熙熙

贈賣墨陶叟

龍井老人稱墨仙有家近在荆溪邊鐵臼秋鳴竹屋雨瓦簷春掃桐窻烟  
玄玉初成敢輕用萬里豹囊曾入貢日長小殿試烏絲光迸驪珠欲浮動  
世間潘李今已無黃金滿篋爭來沽詞臣供篇上林賦畫史用作瀛洲

文物年來頗凋弊，喪亂誰言少。知貴便須從子乞，雙螺辭草檄書磨盾鼻。

節婦吟

城頭黑雲如壞屋，車走爭門折千軸。姚家新婦亦東逃，舅姑驚惶兒女啼。自知數口難俱免，欲渡前溪舟尚遠。囑夫棄妾當奉親，獨赴清流不愛身。此日誰能問南史，如婦曾書幾人死。

晚步西郊見鴛鴦飛

平烟漠漠天蒼蒼，牛羊不收野草黃。鴛鴦東來高作行，晴空忽墮數點霜。紫塞碧海遙相望，下視鳬鴨愁陂塘。書生見此心欲狂，便思呼鵝上馬馳。鵝鵝之裘自倒扶，箭聲脫絃鳴鵝鵝。遠翻正落雙參差，仰空拍手誇絕奇。豪氣服殺并州兒也，勝閑門坐詠詩。

贈鍊師禱雨

白頭道士騎一鶴，手把青蓮下寥廓。人間又見海田枯，十丈黃塵沒城郭。昔年服事茅長君，能役鬼神呼風雲。下爲羣生掃旱沴，雨工驅起如羊羣。陰雷填填天欲怒，靈飈吹旗紫壇暮。書入重關虎豹開，壁沉古井蛟龍護。須臾甘澍何滂沱，十日不雨應無禾。祠官空爲大雩舞，覩女羞作迎神歌。

明朝師歸定何許雲裏懸珠火如黍更煩夜起把天瓢翻作東南洗兵雨

題黃大癡天池石壁圖

黃大癡滑稽玩世人不知疑似阿母傍再謫偷桃兒平生好飲復好畫醉後酒墨秋淋漓嘗爲弟子李少翁貌得華山絕頂之天池乃知別有縮地術坐移勝景來書帷身騎黃鵠去來遠縞素飄落流塵緇潁川公子欣得之手持示我請賦詩我聞此中可度難玉枕秘記傳自青牛師池生碧蓮花千葉光陸離服食可騰化遊空駕雲螭奈何靈跡久閼藏荒竹滿野啼猩猩尋真羽客不肯一相顧却借釋子營茅茨我昔來遊早春時雪殘衆壑銷寒姿磴滑不敢騎馬上青鞋自策桃筇枝上有烟蘿披拂之翠壁下有沙石蕩漾之清漪晴天倒影落明鏡正似玉女晚沐高鬟垂飲猿忽下藤裊裊浴鶴乍立風淅淅匡廬有池我未到未省與此誰當奇掃石坐其涯治洄引流卮醉來自照影俯笑知爲誰落梅撲香滿接羅幕出東澗鍾鳴遲歸來城郭中復受塵土欺十年勝賞難再得恍若清夢一斷無由追朝來觀此圖惻愴使我悲當時同遊已少在我今未老形先疲人生擾擾嗟何爲不達但爲高人嗤漢南已老司馬樹峴首已仆羊公碑誰應學道

悟真訣不與陵谷同遷移仙巖洞府孰最好東有地府西峨嵋高崖鐵鎖  
不可攀援以逕上仰望白雲樓觀空我魏此山易上何乃遣便與猿鶴秋  
相欺欲借太乙舟夜臥浩蕩隨風吹洞簫呼起千古月照我白髮涼絲絲  
傾玉醪薦瑤芝招君來遊慎勿辭無爲漫對圖畫日久遙相思

贈丘老師

長春之孫自仙骨袖有蟠桃食遺核平生不學燒汞方唾視黃金等何物  
滿城誰識舊庚桑白髮人中似鶴長時上高樓惟獨醉榴皮書破壁塵香

詠夢

的的緣愁得濛濛與醉和輕隨雲浩蕩暗越嶺嵯峨夜后嗟偏短春闌想  
最多關山歸識路江渚去凌波梁落中宵月樓橫欲曙河隔簾休警鵲近  
燭任飛蛾遊遠寧煩載穿淡豈畏詞寒驚瑤作障暖繡錦成窩蝴蝶誰家  
信鴛鴦別浦歌靜嫌風動竹關怯雨鳴荷寂歷窻局紙低遲帳捲羅知情  
唯枕其送恨忽鐘過編袂香猶在朱絃字不磨記來還彷彿尋去已蹉跎  
宿燼分餘麝殘粧暈淺螺憂歡情總幻離合事皆訛池上吟芳草庭前覓  
舊柯旣因思是種復念睡爲魔易斷俄如此難憑竟若何陽臺莫重問千



古笑巫娥

戲嬰圖

芍藥風欄側梧桐露井傍嬌嬰爭戲少婦鬪春粧共詫珠生蚌還憐玉  
產岡半披文錦綵斜佩紫羅囊額髮藏紅袖細賦光庭前王氏子陌  
上衛家郎弱草身眠軟芳英手弄香臨人貪作割避伴學迷藏莫撲花蝴蝶  
宜爲蠟鳳凰塗添雲母粉浴試水沉湯麟送徐卿宅蘭生謝傳堂愛均  
看總好年並比誰長驥種雖難匹鸛雛也作行欣君得此畫真是夢熊祥

雨篷

楚雨滿汀洲瀟瀟酒客舟夢驚孤枕夜愁掩一篷秋葦葉寒相戰灘聲暗  
共流此時湘浦上同聽只沙鷗

扇

皎皎復團團何人剪素紈驅螢臨几席撲蠅近闌干似月驚朝見生風變  
夏寒時移當日象與怨網乘鸞

新荷

如蓋復如鈿初生雨後天葉低浮水上莖弱風前乍覆遊魚戲難藏宿

驚眠佳人休便折留蔭採蓮船

冬至夜雨感懷

節序關何事徒令百感生  
升沉當世事存歿故人情  
寒在微陽氣風疎緩漏聲他年說今夜聽雨宿南城

過戴居士宅

江邊戴顓宅地好慙幽尋高樹藏  
卑屋新簷補舊林  
鳥成留客語雲作護花陰  
不負滄洲約重來論夙心

歸鴉

啞啞噪夕輝爭宿不爭飛  
未逐冥鴻去長先野鶴歸  
荒村流水遠古戍淡烟微  
借問寒林樹何枝最可依

晚坐南齋寫懷

鴈過南齋暮魂消默坐中  
賤貧長作客愁病欲成翁  
窻洒侵燈雨庭翻走葉風  
山妻猶解事未遣酒樽空

過劉山人園

欲問幽棲處花蹊逐澗迴  
夕烟羅幙卷春雨藥房開  
野鶴知琴意山蜂給

酒材城中少閒客誰解引車來

次韻楊禮曹移疾之作

養疾溪扉掩還應謝俗交鳥多風和語葵晚雨絨苞印向閒  
鑰鎖鐘聞近寺敲相思愁莫過高樹古城坳

使君東亭隔簾觀竹下舞妓

美人竹

舞醉看隔簾櫳彷彿瑤臺子遊戲綠雲中玉鈎正蕩月羅袖忽

驚風莫

驚去尊前樂未終

聞鄰家琵琶有感

清唱合琵琶當年碧玉家弄殘催酒急抱重向燈斜久別愁江樹重聽隔  
院花淚多思舊事不是客天涯

報恩寺逢蔣主簿就送還如皋

貪語酒寒頻新年見故人別時悃寺晚歸路雪江春造次燈前面蒼茫  
船上身明朝楚花發莫歎縣廚貧

鄰家桃花

春色東家出相窺似有心曲垣遮自短別院閑還淡影動疑人折香搖紅

蝶尋好風時解意吹片拂羅襟

和王校理夜坐

池暝花如霧蒼蒼月照開梁空  
雙燕睡簾暗一螢來  
兵散誰家笛人違此  
夜杯如何對清景愁思却相催

答陳校書客懷

同患君尤甚時難覺意真愁邊  
長夜酒夢裏少年春遊遠  
荒家業交疎困  
路塵一杯歌短調誰聽不沾巾

酬余左司

門巷接垂楊同鄰忘異鄉  
兒親欣見熟僕立厭言長  
讀借風牀簡炊分雨  
碓梁亂來成久別能不爲情傷

春日懷諸親舊

楊柳燕差差鄰家換火時  
春寒添客思夜雨減花枝  
涉世悠悠夢懷人的  
的思出遊無舊侶空館獨題詩

寄余左司

何處吹愁角一聲大江東  
岸呂蒙營天隨流水茫茫去  
月共長庚耿耿明

虜意有圖秋暫息客魂無定夜還驚欲陪醺酒樓船坐借問風潮早晚平

吳城感舊

城苑秋風蔓草深豪華都向此消沉趙陀空有稱尊計劃表初無弭亂心  
半夜危樓俄縱火十年高場漫藏金廢興一夢誰能問回首青山落日陰

喜幼文北歸

風塵萬里損光輝舊面相逢却訝非在路定留經處詠還家猶着去時衣  
久留遠土蟲蛇雜忽解高羅燕鵲飛尚念梁園三二客與君同去不同歸

秋日江館詠懷

十年世事漸多更自歎而今豈復生未有佳兒書漫讀既無俗客酒頻傾  
烟生遠塢聞雞唱潮落平沙見蟹行秋後思歸几幾度夕陽江上望高城

感懷次蔡參軍韻

擊筑無人識漸離客依孤館獨淒其著書未解成新語把酒聊因覓舊知  
燕塞風多寒水急梁園雪早凍雲癡年來只念江東去下馬碑陰看色絲

得亡友周記室在繫所詩次韻

擬出凡羅再卜鄰外生俄判兩吟身百年豈料逢今日四海何由見此人

吳地有圓花已盡楚山無塚草

空春一篇幽憤時時讀風雨寒燈夜獨親

江上晚眺圖

一髮青山斷鴈邊渚宮樓閣暮  
釣艇歸時風動葦僧鐘起處日

雲連烟波彷彿江南意風柳依稀峽外天  
沉烟觀圖忽起滄洲想身墮黃壘又幾年

江上春日遣懷

江上逢春已兩回客中時序苦  
年少卽閒真信拙詩成雖好可

相催蛛營戶網蟲初出雀借簷巢燕未來  
言才如今欲向南鄰叟旋乞垂楊遶舍栽

送梅侯赴錢塘

一鶴隨車到郡朝剩山殘水尚  
重見花開非舊賞初聞麥秀是

蕭條罍藏秋塚金方出箭插寒沙鐵未銷  
新謠幾時南作諸侯客醺酒江亭看晚潮

送周省郎之海虞判官

黃茅連野邑城荒佐邑初煩舊  
讀書臺下逢人少濡墨廳中憶

尉狂君到官曹無事日一尊爲我醉斜陽  
尉狂君到官曹無事日一尊爲我醉斜陽

雪中

舟絕寒江凍不潮縈沙拂柳影脩脩  
縈沙拂柳影脩脩纔從漁浦磯邊積還向樵村竹外飄

撲馬憶從年少樂點袍曾逐侍臣朝如今獨坐吟詩句茅屋茶烟冷未消

。過僧舍訪呂敏

幾欲相尋與願違今朝始得過禪扉磬聲穿竹山房遠屐齒粘苔石徑微  
幽鳥每同馴鴿下高人閒與老僧依談詩說偈俱堪喜坐覺茶香上薜衣

。初夏江村

輕衣軟履步江沙樹暗前村定幾家水滿乳鳬翻藕葉風疎飛燕拂桐花  
渡頭正見橫漁艇林外時聞響緯車最是黃梅時節近雨餘歸路有鳴蛙

。江村

南園薰風吹葛衣汀花未露岸花稀水神廟下莎侵路江叟門前柳暎磯  
犢臥已知耕未歇鷗驚長見釣船歸天隨宅畔吾曾住留得閒罾掛夕暉

。田園書事

西園春去綠陰成已覺南窓枕簟清簾捲斜陽歸燕入池生芳草亂蛙鳴  
葉過穀雨花猶在衣近梅天潤易生獨坐正知閒晝永吟餘消盡篆烟輕

。漫成二首

柴門藥浦小江邊早得閒居是偶然兩岸晚風黃鳥樹一陂春水白鷗天

悠悠往事空書卷碌碌浮生只釣船  
猶記京華爲客日幾回聽雨憶歸田  
已分棲遲不自疑江邊林下儘幽期  
病惟好懶寧須藥心未忘機偶對基  
閒館雨聲花落後淡塘草色燕飛時  
春來頗喜囊中富添得新成幾首詩

端陽寫懷

去歲端陽直禁闈新題帖子進彤扉  
太官供饌分蒲醕中使傳宣賜葛衣  
黃縑回廊朝旭淡玉爐當殿午薰微  
今朝寂寞江邊臥閒看遊船競渡歸

次韻楊禮曹秋日見贈

殘雨脩脩映彩虹憐君獨詠楚臺風  
遠江帆影秋燕外故苑砧聲晚樹中  
壯歲漸如辭幙燕閒身猶作蠹書蟲  
雅音自古無能好莫向人誇瑟最工

次韻西園公咏梅二首

如何天與出塵姿不得芳名入楚辭  
春後春前曾獨採江南江北每相思  
微雲淡月迷千樹流水空山見一枝  
擬折贈君供寂寞東風無那欲殘時  
雪中無伴只孤芳倚竹元非羃袖粧  
馬上忽逢臨水驛鶴邊忽見向山房  
春愁寂寞天應老夜色朦朧月亦香  
此地一尊聊自戀揚州回首已淒涼

晉宿行營舟中二首



兼葭霜露冷侵船落鴈驚鳥總未眠戌卒獨明高柵火居人同宿廢村烟  
醉中遠夢欺長夜亂裏窮愁折壯年或問身閒何到此久思提劍學防邊  
角聲未起大星低夜靜寒營獨馬嘶樹葉蕭蕭霜後蝶河流汨汨露中蟬  
一軍睡枕誰能穩數里歸舟自欲迷起望此時憂更切邊烽不隔遠峰西  
首脊感懷

初春風日自妍華客意登臨只感嗟陌上驚塵隨去馬城邊遺柳斷棲鴉  
亂來未覓無兵地愁在空思有酒家咫尺苑西誰解問早梅還發去年花  
岳王墓

大樹無枝向北風千年遺恨泣英雄班師詔已來三殿射虜書猶說兩宮  
每憶上方誰請劍空嗟高廟自藏弓棲鴉嶺上今回首不見諸陵白露中  
早春寄王行

江水江花只自春不知容易解愁人山川寂寞衣冠淚今古消沉簡冊塵  
草草逢人空識面匆匆爲客莫容身十年憂患誰相慰賴得君家是近鄰  
除夕客中憶女

別家非願久回首已徂年今夜寒齋雪何人聽折絃

歲暮

已嗟求道晚復省濟時難碌碌成何事天涯又歲暮

鴛鴦

兩兩蓮池上看如在錦機應知越女妒不敢近船飛

齋前芭蕉

靜邊綠陰行閒聽雨聲臥還有感秋詩窓前書葉破

非

芽抽冒餘濕掩冉烟中縷幾夜故人來尋畦剪春雨

十宮詞

吳宮

芙蓉水殿屨廊東白苧秋來不耐風教得君王長夜醉月明歌舞在舟中

楚宮

雨去雲來十二峰渚宮樓閣暮重重細腰無限空相妒不覺瑤姬夢裏逢

秦宮

宮閉驪山靜管絃翠華巡狩去經年掖庭無用恩離報願上蓬萊採藥船

漢宮

酒醒金屋曙河流願賜銅盤一滴秋他日君王作仙去瑤池猶幸得同遊

魏宮

翡翠明珠入貢頻承恩長占鄴宮春至尊莫信陳王賦那得人間有洛神

晉宮

盡日南風永巷開羊車去後玉階苔誰知天上無人地亦有城南小史來

齊宮

帖地黃金機襪羅苑中市罷合笙歌有人解誦西京賦添得樓臺火後多

陳宮

春風參閣繡參差仰客爭陳壁月詞幾度醉濃嬌不起景陽樓上曉鐘時

隋宮

五斛青螺一日銷迷樓澹貯萬妖嬈衆中誰解留車駕風浪如山莫渡遼

唐宮

玉笛聲殘禁夜長雲屏月帳醉焚香五王宴罷皆歸大被空閒一夜涼

讀史十首

嬰

裘身若久經年祿米分炊幾戶州  
說大夫能養士却於尼叟情封田

儀秦

二子全操七國權朝談縱合暮衙連天如早爲生民計各與城南二頃田  
萌相如

危計難成五步間置君虎口幸全還世人莫笑三閭懦不勸懷王會武關

平原君

朝歌長夜館娃春總爲妖姬戮諫臣何事邯鄲貴公子能因楚者殺佳人

范雎

紛紛傾奪苦多謀得勢還懷失勢憂丞相不須嗔蔡澤此時當問老穰侯

董仲舒

早奏文章直殿廬茂陵還復訪遺書寂寥猶抱春秋傳誰問江都老仲舒

王章

外家勢重直言稀京兆書陳蹈禍機合浦老妻須莫怨絕勝臥病死牛衣

孔明

莫恨流星墮渭濱出師未捷已沾巾天應留取生司馬歸作他年取魏人

王猛

軍門被褐異隆中抱策歸秦竟事戎猶喜遺言真有識不教胡馬向江東

韓子

自古南荒竄逐過佞臣元少直臣多官來瀧吏休相誚天要潮人識孟軻

雨中閒臥

牀隱屏風竹几斜臥看新燕到貧家閒居心上渾無事聽雨唯憂損杏花

春日憶江上

柳下春潮沒舊磯草堂猶在掩荆扉如今歸夢休爲蝶化作輕鷗度水飛

金進士宿江館阻雨連夕二首

落花風急野無舟喜爲茅齋幾日留却愧江邊春酒薄不能慰子客中愁  
莫辭同宿掩書幃兵後蕭條故舊稀預恐明朝風雨歇滿江春水送君歸

登白蓮閣貽幼文

思若曾此望西州誰信歸來得其遊只是當時舊山水如何重看不勝愁

讀周記室荆南集

生別猶疑不再逢  
楚天雲樹隔重重  
愁來讀盡荆南集  
風雨空齋掩暮鐘

江上晚歸

渺渺雙鳬落晚沙  
一江秋色豔明霞  
逢人不用停舟問  
大樹村中卽我家

美人圖

秋千庭院閉青春  
背立誰曾見得真  
莫道不言思憶事  
欲言還說與何人

題芭蕉士女

秋宮睡起試生羅  
閒向芭蕉石畔過  
怪底早涼欺團扇  
夜來葉上雨聲多

和王耕雲與愚菴倡和詩二首

灌花移石不辭勤  
苔潤流泉雨後新  
一場綠楊雞犬靜  
老來欣作太平人

夢余唐卿

路隔成臯萬里關  
何由得見故人還  
燈前夢裏匆匆見  
猿叫楓林月在山

過湖南舟中臥作

野客分攜水店前  
浪平舟穩稱酣眠  
午雞啼處前村近  
過盡平湖幾曲天

疎竹三禽圖

棘枝疎瘦竹枝低三鳥寒多每並棲月落山空秋夢斷不知誰箇最先啼  
見花憶故園

春色先從天上來花枝盡發鳳凰臺不知別後鄉園樹寂寞書窗開未開  
題松雪翁臨右陵草蟲

宣和遺墨畫難工唯有王孫筆意同莫問吳宮與梁苑一般草露覆秋蟲  
客舍春暮

酒醒閒寫送春詩細雨殘花尚一枝莫向天涯望芳草客愁多似去年時  
閏三月有感二首

非關騎馬踏塵埃病眼昏昏自懶開江上酒徒應共笑經春不作看花來  
綠樹殘鶯偶一鳴聽來方解憶山行今年不是逢餘閏已過春光半日程

阜橋

在洛陽內由漢皋伯通所居

閨門啼早鶯拂面見飛花綠水通螭舫紅橋過犢車誰尋伯通宅只問秦娘家

題湘君圖

恨望南巡竟不還淚和湘雨暮斑斑須知竹死愁方盡莫恨秦人鞭赭山  
倪元鎮墨竹

倪君好畫復耽詩瘦骨秋來似竹枝前夜夢回如得見紙窗斜影月底時

王架閣家畫馬

草草髯奴紺綠衣王家好馬詫新肥解鞍閒立斜陽裏應是城南賸射歸

慰人悼亡

朱字箋箋委網塵月明不見理絲人鏡臺牕下櫻桃樹應是當時折刺春

雨中晚臥二首

井桁烏啼破曙烟輕寒薄被落花天閒人晴日猶無事風雨今朝正合眠

香斷牀幃冷未開雨意寥落滿檣苔休輕一枕江邊睡拋却腰金換得來

晚立西浦度

鬢絲微映釣絲輕水葉驚風細浪生誰見晚涼人立處數株楊柳一蟬鳴

江上雨中

江漲隨漚欲到門黑雲依樹易昏幽居常日無來客何況蕭蕭雨滿村

客館夜見亮師畫上有余呂二山人詩

上人圖畫故人詩相見燈前夜雨時無限雲山與烟樹總含秋色是相思

海上逢王常宗雨夜同宿陳氏西軒



故人散盡獨君存  
風雨相逢海上村  
尊酒飲闌言不盡  
更留餘燭照黃昏

過北莊訪友

淺水平沙凍鴨眠  
秋聲和過石橋邊  
尋君兼得尋詩興  
野樹江雲欲雪天

夜寫家書

月淡梧桐雨後天  
蕭蕭絡緯夜燈前  
誰憐古寺空齋客  
獨寫家書猶未眠

效香奩體二首

揚州夢斷十三年  
底事猶存未了緣  
不見擁鬟簾下立  
斷腸騎馬過門前  
曾看梳頭傍玉臺  
後堂春曉曲屏開  
重尋未省乘鸞去  
只道羞郎不出來

遊石湖

綠楊搖曳蘸湖波  
鷗鷺頻驚畫舫過  
白苧歌殘風欲起  
美人應怯暮寒多

涼夜

一聲遠笛數聲砧  
月滿江城夜正深  
生據胡牀愛涼思  
空階移盡桂花陰

刺繡圖和楊孟載

翠絲盤葉碧玲瓏  
小萼花鋪茜纈紅  
夢裏驚驚留不得  
分明却在繡牀中

列朝詩集甲集第五之上終

# 列朝詩集

甲集第五之下

高太史啓

祐蘇雜詩一百首

季迪自敘曰余歸自京師屏居松江之湄書籍散落賓客不至  
閉門默坐無以自遣偶得郡志觀其所載山川臺榭園池祠墓  
之處向嘗得於烟雲草莽之間求其盛衰興廢之故不能無所  
惑焉遂采其著者各賦詩詠之合今古諸體凡一百二十三篇  
洪武四年十二月前史官高啓序

吳趨行

僕本吳鄉士請歌吳趨行吳中實豪都勝麗古所名五湖洵巨澤八門洞  
高城飛觀被山起游艦沸川橫土物旣繁雄民風亦和平泰伯德讓在言  
游文學成長沙啓伯基異夢表休禎舊閩凡幾家弈代產才英遭時各建  
事徇義或騰聲財賦甲南州詞華並西京茲邦信多美龔舉難備稱願君  
聽此曲此曲匪誇盈

長洲苑在太湖北岸

中國久無伯圖閣思騁功講蒐開別苑訓武出離宮宰嚭應來乘巫臣實  
御戎鼓鳴濠谷應置掩廣場空遠曳捎雲旆高彎射月弓三驅儀已畢七  
伐步還同甲騎從輿後蛾眉侍幄中黃胎須紫豹脰掌得玄熊樂事方難  
極英圖忽易窮城迷歌黍客地屬采芰童輦道崩秋雨旗門失晚風火亡  
宛肆狡人去雉爭雄草樹迎蕭索湖山罷鬱葱猶疑見獵火寒燒夜淡紅

姑蘇臺

在橫山西北麓

金椎夜築西山土惟作高臺貯歌舞文身澤國構王基却笑先人獨何苦  
銅鋪玉檻盛繁華幻作峰頭一片霞望處直窮三百里役時應廢幾千家  
蟠空曲路迷仙仗攀盡瑤梯纔到上外繞雕龍宛轉欄中施繡鳳歲裝帳  
熏爐長藝鬱金香共道千齡樂未央茂苑月來秋珮冷洞庭雨過夏綃涼  
當窻衆妓如仙女楊柳迎風欲輕舉人從天上見經過烏向雲間驚笑語  
日暮橫塘花盡開卷簾臺上望玉來宴舟初自觀魚返獵騎還從射鹿回  
從登不用持鉞隊自列紅妝侍高會香傳羅帕進黃柑縷切鸞刀供玉鱸  
燭光遠落太湖波驚起魚龍出沒多城上烏啼河漢轉此時誰問夜如何  
管絃嘈嘈聒人耳不聞兵來渡溪水欲携西子走登舟醉倚畫筵嬌不起

冥目無因到雨東可憐一炬綺羅空獻媚竟墮離人計賜劍應辜諫士忠  
客來試問遺宮路物色荒涼總非故冢衣始信不虛言滿地荆榛見零露  
當年爭奪苦勞機却把江山付落暉聞說越王臺殿上如今亦有鷓鴣飛

百花洲

在姑蘇臺下

吳王在時百花開畫船載樂洲邊來吳王去後百花落歌吹無聞洲寂寞  
花開花落年年春前後看花應幾人但見枝枝暎流水不知片片墮行塵  
年來風雨荒臺畔日暮黃鸝腸欲斷豈唯世少看花人縱來此地無花看

采香徑

在香山之旁

晨粧出采芳零露濕羅裳種徒山中品熏傳海外方抱筐歸意遲焚鼎薦  
蘭堂未足娛君寢西施體自香

翫花池

在雲巖山

桃枝兼杏枝春色繞宮池正愛紅繁處還憐綠淨時芳香泛幽沚媚影照  
清漪垂條看妓折墮萼見魚吹杯涵明月瀉舟逐彩雲移水流花落盡君  
上醉不知

響屧廊

在雲巖寺

君王厭絲竹鳴屨時清耳獨步六宮春香塵不曾起那知未旋踵麋鹿遊  
遺址響沉明月中跡泯荒苔裏此夕意誰過空廊有僧履

走狗塘

在城西

春堤長春草淺此地吳王曾走犬獵場四面圍畫旗紅炬照輦還宮遲割  
鮮夕宴誰共食臺上西子半樊姬春苑年來草仍綠韓盧已去多麋鹿君  
不見漢皇縱狗殊有功遂免直創烏江東

錦帆潭

水繞荒城柝半枯錦帆去後改宮無窮奢畢竟輸漁父長保秋風一幅蒲

吳王井

在臺城內

曾聞鑑影照宮外工手牽絲帶露華今日空山僧自汲一瓶寒供佛前花

香水溪

吳故宮

粉痕凝水春溶溶暖香流出銅溝宮月明曾照美人浴影與荷花相向紅  
下肌羞露誰能見只有鴛鴦窺半面絳綃圍掩怯新涼歸臥芙蓉池上殿  
空洗鉛妝不洗妖半傾人國幾良宵驪山更有湯泉在千古愁魂一種銷

越來溪

在橫山下

溪上山不改溪邊臺已傾越兵來處路流水尚哀聲昨日荷花生今朝菱  
葉死亡國不知誰空令怨溪水

採蓮涇

在城西面

青房戢多子採得儂心喜今夜水風涼君王宿船裏行處綠雲迷歌聲一  
道齊回頭調越女何似若耶溪

吳鉤行

吳鉤若霜雪吳人重遊俠尊前含笑看上有仇家血

死亭灣

貧賤衆所棄豈惟愚婦人珪組何重輕能令變交親翁子昔未逢妻去恥  
負薪五十非晚貴不能待終晨一旦謁帝闈還家繡衣新郎吏驚赤綬邦  
人候朱輪無顏見故夫自殺此水濱誰知孟德耀元在爾東鄰

毛公壇

欲觀漢壇符東上縹緲峰葛花墜寒露夕飲清心胸月出太湖水鶴鳴空  
澗松真境久寂寥蒼苔闕靈蹤嘗聞綠毛叟變化猶神龍世人豈得見偶  
許樵夫逢攀陰力易疲探玄志難從歸出自雲外空聞仙觀鐘

臨頓里十首

聞說橋東地高人舊隱居養生應有道  
覓舉絕無書愛救粘絲蝶嘖驚出水  
魚時尋戴顓宅自駕短轆車

應愛山齋好秋風不捲茅鑿渠侵蝕  
穴移樹帶禽巢人世真浮梗吾生豈  
繫匏不逢皮從事誰結歲寒交

戴酒攜山榼安琴製石牀見眠皆傍  
母蜂去自從王穀雨收茶早梅天晒  
藥忙不扶靈壽杖筋力老能強

自少圖名意誰言世不知僧求開寺  
記客送買山資細雨魚生子斜陽燕  
哺兒平生無事追心苦爲尋詩

斬伐憑樵斧經綸在釣車薄雲還露  
月小雨不妨花酒債應多處詩名自  
一家虛煩時主召懶脫故衣麻

長物元無有何勞大護扉借看高士  
傳學製道人衣窻破容螢入船空載  
鶴歸定緣幽事繞不是宦情微

澹泊心情在蕭疎髣影殘引泉規作  
沼留筍待成竿自洗沾泥屐誰收掛  
壁冠毛公新有約月夜禮天壇

冰罷便輕憤消搖詠晚天清風蘇病鶴驟雨集鳴蟬舊史堆絢素新經錄  
洞玄誰知城郭裏別自有林泉  
汨汨泉通圃蕭蕭柳映門折花搖樹影踏藕損蓮根飢鴨呼歸艦新蠶試  
浴盆屋前高石在知是鬱林孫  
茶租催未得菊餌服還能行古時人笑文工造化憎貪留漁艇載來謝鶴  
書徵誰識先生樂悠然臥枕肱

甫里卽事四首

長橋短橋楊柳前浦後浦荷花人看旗出酒市鷗送船歸釣家風波欲起  
不起烟日將斜未斜絕勝菰中刻曲金盞玉鱸堪誇

婆娑綠頭鴨翻翻紅尾魚跳沙寬水狹江穩柳短莎長路遙人爭渡處  
斜日月欲圓時大潮我比天隨似否扁舟醉臥吹簫

江上漁郎晚祭津頭估客朝過鐘邊山近水近篷底風多雨多飢蟹銜沙  
落斷點禽眠竹窺羅丫頭兩槳休去爲唱吳儂棹歌

橫網不遮過客渡船時載歸僧炊菰飯勝炊稻采蓮歌和采菱烟外晚村  
弄笛沙邊夜店停燈短簑醉拍銅斗我亦年來稍能



聖姑廟

在洞庭鼇頭山晉王彪女得道或云姓李氏祈禱者不誠則風迴其舟

湖心涌出鼇頭山白波翠島非人寰清虛立作水仙府鱗堂荷屋居其間  
淵都羣靈孰爲主烟鬢脩然一神女柔姿誰敢狎相親笑叱鼉龍起雷雨  
玉骨蟬輕蛻幾秋世緣已斷靜無愁笑向每約湘濱會拾翠時陪漢上游  
水禽翔鳴衛芝蓋長在蒼茫杳冥外鮫人獻綃裁作衣螺女供珠綴爲佩  
花落閒祠謝古春蓮幃瑤席掩香塵空山夜夜星河遠芳渚年年蘅杜新  
霞舒霧捲凝光彩笑語無聞復誰待冷風幾度引舟迴宛似蓬萊隔烟海  
猿叫楓林魚躍波桂旗翻翠幕寒多女巫佇望飛帟度獨奏空侯引曼歌  
椒觴奠罷沉玄璧鳥沒遙天湛空碧遺情不結楚臺雲世人何處尋踪跡

三高祠三首

范蠡

功成不戀上將軍一舸歸遊笠澤雲載去西施豈無意恐留傾國更迷君

張翰

洛陽忽憶鱸鱸肥便趁秋風問釣磯猶恨季鷹辭未早不邀二陸共船歸

陸龜蒙

鴨羣無食水田荒風雨孤篷載筆牀猶有新詩驚太守醉中揮翰木蘭堂

短簿祠

下馬空林問廟扉衣冠寂寞掩塵幃不能復使桓公怒莫怪年來祭客稀

閩閭墓

水銀爲海接黃泉一穴曾勞萬卒穿設說深機防盜賊難令朽骨化神仙  
空山虎去秋風後廢榭烏啼夜月邊地下無知無敵國何須深葬劍三千  
要離墓

弱夫殺壯士誰敢嬰餘怒今日古城邊耕人肆侵墓

干將墓

干將善鑄劍劍成終殺身吳伯亦遂亡神物豈不神始知服諸侯威武不  
及仁徒勞冶金鐵精光動星辰莫邪應同埋荒草千古春青蛇冢間出猶  
欲恐耕人

石崇墓

蚪須欲怒珊瑚折步障圍春錦雲熱真珠換妾勝驚鴻笑踏香塵如踏空

酒闌金谷鶯花醉家逐樓前舞裙繁財多買得東市愁綺羅散盡餘荒丘  
猶憐白首同歸者夜伴遊魂封樹下

韓蘄王墓

宋室中興日將軍武略優功宜超賈鄧名恥並張劉白馬空前渡黃龍竟  
北遊誓擒諸部種還報兩宮讎朝使頒金冊邊人識錦裘躍戈衝野陣橫  
楫截江流殘虜亡魂走中原指掌收未終藩閫寄已惑廟堂謀坐散熊羆  
士甘臣犬豕酋和戎辭易屈復漢志難酬闕聳吳山曉陵荒輦樹秋廉頗  
歸未老郭令罷誰留折檻言徒切藏弓勢可憂俄看星隕壘未使陸沉舟  
感慨思前代淒涼弔古丘劒花埋虎氣碑蘄剝螭頭石獸嘶風雨山僧護  
檣楸鼓旗何寂寂簡冊漫悠悠父老悲猶在英雄事已休棲霞嶺前墓聞  
說更堪愁

吳女墳

魚燈照豔魄夜冷珠衣薄白玉土中埋紅蘭霜後落不乘臺上鳳空舞橋  
邊鶴韓重未歸來泉宮秋寂寞

真娘墓

金釵葬小墳楊柳寺前村已斷花間信空歸月下魂山鶯留曲韻草露帶啼痕車馬逢寒食還來酹酒樽

瑤姬墓

夢別芙蓉殿頭斷釵零落誰收土昏青鏡忘曉月冷珠櫺恨秋麋鹿昔來廢院牛羊今上荒丘香魂若怨亡國莫與西施共遊

弔七姬冢

疊玉連珠棄草根仙遊應逐馬嵬魂孤墳掩夜香初冷幾帳留春被尚溫佳麗總傷身薄命艱危未負主多恩爭妍無復呈歌舞寂寂蒼苔鎖院門

虎丘次清遠道士詩韻

神仙不可羈乘螭躡雲漢豈將避礙劉荒山事窮窺何年東觀海一至此峰翫悠悠清詩傳窅窅遺跡漫我來繼登臨長嘯憤初岸旣秋烟蘿疎欲雨風竹亂夜湫空潭黑月吐石壁半龍驚汲僧來鳥喜遊客散閣掩林下夕鐘鳴巖中且勝賞誰能窮今古賦篇翰飛騰子何之汨沒余可歎安得契真期超然豁靈贊

天平山

人山旭光迎出山月明送十里松杉風吹醒塵土夢茲山凡幾到題字遍  
巖洞陽崖樹冬榮陰谷泉下凍怪石立誰扶靈草生豈種白雲蒨狀來諸  
峰欲浮動高鶻有危棲幽禽無俗哢凌蘚知履滑披嵐覺裘重嘗登最上  
顛遠見湖影空漁樵渡溪孤鳥雀歸村衆還尋老僧居隔竹聽清誦慰我  
躋攀勞爲設茶筍供幾年歷憂歡造物若擲弄迷途遠山林遲暮堪自訟  
難追謝公遊空發阮生慟身今解組紱明時愧無用閒持九節筇訪事  
狂縱石屋秋可眠山猿許分共

洞庭山

在太湖中卽包山舊無蛇窟惟三物有穴乃林屋洞天闕

間使靈威丈人入摸得禹所藏治水符并不死方其中有  
銀房石室并白芝紫泉又有兩圓石扣之則鳴謂神鉞云

朝登西巖望太湖青天在水飛雲孤洞庭縹緲兩峰出正似碧海浮方壺  
嘗聞此山古靈壤蛇虎絕跡撒樵夫濤聲半夜恐魂夢石氣五月寒肌膚  
居人彷彿武陵客戶種橘柚收爲租高風欲起沙鳥避明月未出霜猿呼  
中有林屋仙所都銀房石室開金鋪羅浮峨眉互通達別有路往非人途  
天后每降龍垂胡神鉞忽響驚棲厓自懸日月照洞內古木陰蔽空朝脯

風吹白芝晚易老雲帶紫泉秋不枯靈威丈人亦仙徒溪人探得函中符  
玄衣使者不暇惜欲使出拯蒼生蘇後來好事多繼往石壁篆刻猶堪舉  
千年玉鼠化蝙蝠下撲炬火如飛鳥玄關拒閑誰復到似怪衣上腥塵汗  
勿言神仙事恍惚靈蹟具在良非誣我生擾擾胡爲乎坐見白髮生頭顱  
久欲尋真未能去局束世故緣妻孥何當臨湖借漁艇拍浪徑渡先雙鳧  
獨攀幽險不用扶身佩五岳真形圖夜登天壇掃落葉自取薪水供丹爐  
此身願作仙家奴不知仙人肯許無狂語醉發應盧胡

陽山

在城西北古名泰餘杭山吳中山最高者中有白龍湫旱必

禱焉

我登此山巔不知此山高但覺羣山總在下坐撫其頂同兒曹又見太湖  
動我前洶涌三十萬頃煙波濤長風吹人度層嶂不用仙翁赤城杖峰迴  
秋凝海鶻飛日出夜聽天雞唱中有一泉長不枯乃是蜿蜒神物之所都  
老藤陰森洞府黑樹上不敢留棲鳥常年禱雨車來此投今符靈旗風轉  
白日晦馬鬣一滴雷三吳巖巒蒼蒼境多異樵子尋常不曾至撥幽歷險  
未得歸忽聽鐘來澗西寺此時望青冥脫略塵世情白雲冉冉足下起如

欲載我昇天行古來名賢盡何有唯有此山長不朽欲呼明月海上來照  
把長生一瓢酒浮丘醉枕肱洪崖笑開口天風吹落浩歌聲地上行人盡  
回首

五塲山五首

飛泉塲

山空響更遠雨過流還急餘沫洒迴風一林紅樹濕

修竹塲

色映溪沉沉秋雲生夕陰無限楚山意鶴鳴風滿林

丹霞塲

遙聞丹霞塲中有食霞者絳綵發朝朝還同赤城下

白雲塲

雲開見山家雲合失山路聞語知有人欲尋已迷誤

芳桂塲

欲攀淮南樹人去山寂寞嫋嫋涼風生疎花月中落

卓筆峰

在天平山

雲來初似墨鴈過還成字千載只書空山靈恨何事

太湖

長溪如白虹分走荆霄派具區納羣流襟帶三郡界太虛混鴻濛元氣流  
沉澁初疑溟渤寬稍覺雲夢隘茫茫鴈飛遲颼颼帆度快雨來鼉報鳴風  
起鷗驚邁神龍作淵都豈復數鱗介珠光照水府不受白日晒朝看砲車  
雲雲浪動澎湃聲吹地將浮勢擊山欲壞黃頭雖輕生振拖不敢懈有時  
湛明鏡峰吐青幾塊烟中樹若莎波上舟如芥漁就沙岸炊客來水祠拜  
震澤思禹功夫椒記吳敗白魚逢夏出黃柑待秋賣我性好遊觀夙負雲  
水債欲尋鷗夷舸不顧涉險戒人生亦何爲世故自拘械萬事風飄花百  
年露垂蠶何富叩林屋秉炬訪仙怪試探不死方爲人起痼瘵

天池

在華山

靈峰可度難昔聞枕中書天池在其巔每出青芙蓉湛如玉女盆雲影合  
夕虛人靜時飲鹿水寒不生魚我來屬始春石壁烟霞舒灩灩月出後冷  
冷雪銷餘再汎知神清一酌欣慮除何當逐流花遂造仙人居

劍池



干將欲飛出巖石裂蒼礪中間得深泉  
校測費修綆一穴海通源雙崖樹  
交影山中多居僧終歲不飲井殺氣凜  
猶在棲禽夜頻警月來照潭空雲  
起噓壁冷蒼龍已何去遺我清絕境  
聽轉轆轤聲時來試幽茗

練瀆

吳越水爲國行師利舟戰大差開此河  
餘艘試親練十萬凌潮見材比  
飛健鼓棹激風濤揚舠逐雷電當時  
意氣盛謂已無句踐鷗避去沙洲  
龍愁閉淵殿恃強非伯圖倏忽市  
朝變臺上失嬌姿泉間掩慚面  
至今西山月恨浸秋一片猶有網  
魚人時時得沉箭

太湖石

沒人采石山根淵投身不試饑蛟涎  
馮夷不解護潛寶幾片捧出如青蓮  
寒姿本是湖水骨波濤激擊應千  
年初疑鬼怪離洞府珊瑚鐵網相  
鈎連嵌空突兀多異態雲吐夏浦  
芝生田龍鱗含雨晚猶潤豹質  
隱霧朝常鮮清音叩罷磬韻遠微  
靨洗出珠窩圓坐移各岫置庭砌  
日照彷彿生紫烟三峰削成泰華  
掌一穴透入仇池天醉中時倒倚  
蒼蘚秋風冷逼吟詩肩洛陽園墅  
汴宮苑當時駢列誇奇妍黃羅封  
葢素氎裹萬里貢餉勞車船

奔游事歇家園廢盡仆荆棘荒池邊人生嗜此亦可笑有  
百年零落竟誰在空品甲乙煩題鐫又嗟此石何獻巧自  
不如頑礦世所棄滿山長作牛羊眠

寒泉

在支硎山

遠絡叢峰間平流盤石上月照欲成潭風吹不生浪聲兼  
寒葉下色暎秋苔漲野客照羸顏曾來倚筇杖

千人石

池上無陀石千人列坐曾如今跌夜月唯有一山僧

南園

在城南吳越廣陵王錢元璩所開營之三十年勝甲吳中今

郡學前菜園也

君不見平樂館古城何處寒雲滿君不見奉誠園荒臺無蹤秋草繁白日  
沉山水歸海寒暑頻催陵谷改皇天大運有推移富貴於人豈長在請看  
當年廣陵王雙旌六纛何輝光幸逢中國久多故一家割據誇雄強園中  
歡游恐遲暮美人能歌客能賦車馬春風日日來楊花吹滿城南路壘石  
爲山引泉爲池辟疆舊園何足奇經營三十年欲令子孫永保之不知回

首今幾時繁華掃地無復遺門掩愁鴟嘯風雨種菜老翁來作主空餘怪石臥池邊欲問興亡不能語春已去人不來一樹兩樹桃花開射堂踰圃俱青苔何須雍門琴但令對此便可哀人生不飲胡爲哉人生不飲胡爲哉

松江亭

在吳江垂虹橋上

泊舟登危亭江風墮輕幘空明入遠眺天水如不隔日落震澤浦潮來松陵驛綿綿洲渚平莽莽葭菼積憑欄不敢睡下有龍窟宅帆歸雲外秋島下烟中夕欲炊菰米飯待月出海白喚起弄珠君閒吹第三笛

登丘操

驅車今與馬蹇吾行兮胡爲乎在中野登彼兮崇丘下茫茫兮九州思君子兮不得與駕以遊山有出雲兮木亦有柯我將歸兮憂之如何登青丘有懷而作

齊雲樓

境臨烟樹萬家迷勢壓樓臺衆寺低斗柄正垂高棟北山形都聚曲欄西半空曾落佳人唱千載猶傳醉守題劫火重經化平地野鳥飛上女垣啼

靈巖寺

閉上香臺望下方，漁村樵塲盡蒼蒼。  
傾城人遠苔生徑，歸寺僧稀葉滿廊。  
雲散池邊留塔影，雨來閣外失湖光。  
廢興皆幻何須問，獨自吟詩送夕陽。

涵空閣

在靈巖寺

袞袞波濤漠漠天，曲闌高棟此山顛。  
置身直在浮雲上，縱目長過去鳥前。  
數杵秋聲荒苑樹，一帆暝色太湖船。  
老僧不識興亡恨，只向遊人說往年。

孤園寺

在洞庭山梁散騎常侍吳猛古宅

欲問南朝常侍宅，已爲西域化人宮。  
山僧歸帶漁舟雨，湖鳥來聞粥鼓風。  
橘柚垂簷秋殿暗，波濤驚座夜堂空。  
給孤長者誰曾見，應在烟雲杳靄中。

南峰寺

樵歸衆山昏，天峰尚餘景。  
欲投石門宿，更度西南嶺。  
遠聞雲間鐘，蘿逕入寺未懸燈。  
照靜室一禮支公影，鳥鳴澗壑空泉響。  
窻戶冷對此，問山僧何如妖州境。

再遊南峰

放鶴庭前落葉重，吟身獨上夕陽峰。  
遠村近浦分諸樹，後嶺前山應一鐘。

高閣倚殘歸鳥過空林行盡老僧逢支公駿馬嗟何處石上莓苔沒舊蹤  
楞伽寺

夕陽西下嶂返照東湖水來尋古寺游楓葉秋幾里叩門山猿驚維馬林  
鳥起鐘聲出烟去半落漁舟裏楞伽義未曉塵累方自恥欲打塔銘碑從  
僧乞山紙

開元寺石鉢

寶石當年琢帝青浮波不異木杯輕傳靈已歷乾陀國乞食曾來舍衛城  
漁父得時初洗獻法王在日每擎行寺僧見客休頻出恐有藏龍此內驚  
師子林十二味

師子峰

風生百獸低欲吼空山夜疑是天目巖飛來此山下  
舍暉峰

演漾弄晴暉江山秋斂霏我吟康樂句日暮澹忘歸

吐月峰

四更棲鳥驚山白初上月起開東閣看正在雲峰缺

立雪堂

堂前參未退立到雪深時一夜山中冷無人祇自知

臥雲室

夕臥白雲合朝起白雲開惟有心長在不隨雲去來

問梅閣

問春何處來春來在何許月墮花不言幽禽自相語

指柏軒

清陰護燕几中有忘言客人來問不應笑指庭前柏

玉鑑池

一鏡寒光定微風吹不波更除荷芰影放取月明多

冰壺井

圓發夏生冰光涵數星冷牕有定中僧休牽轆轤綆

脩竹谷

翠雨落經牀林鳩午鳴後笋出恐人來編籬遮谷口

小飛虹

初看臥波影應恐雨崇朝過問尋師去端如度石橋

大石屋

渾池復輪囷全無釜鑿紋門臨五湖水坐納四山雲

之荊榛

粵有我土岐山之下孰是營之維我考祖今我于邁自岐徂荆豈不懷歸  
念我弟兄民勿我思我斯安只國已有后先君季子子思秦伯之德而作

望虞山辭

虞山嶸嶸兮出雲油油胡斂其施兮弗雨九州下有蛟龍兮海波橫流誰  
使予來兮從伯氏以游朝于隣兮望岐周國有祀兮有何求唐虞逝兮道  
阻修慚德輿兮干戈日休我思夫人兮心焉孔憂

玉波冷雙蓮

金風暮剪雙頭蕊啼臉辭秋嬌血紫宮女三千罷笑喧錦雲陣冷鴛鴦死  
滿江烟玉流古香尋魂弔影愁茫茫吳天隊露衰紅濕一夜波涼小龍泣  
唐處士李蘇夜遊震澤逢女郎爲歌玉波冷雙蓮之曲曰此哀吳宮二隊  
長之詞又歌其所製並秀蔣華之曲蓋龍女云二曲世不傳余戲爲補之

王敬伯歌

舟初維琴始薦驛亭邊夜相見詞宛轉情綢繆解環珮彈空侯調易闌情  
難歇江波寒墮明月綠壺再傾芳音欲違譬彼林鳥逢晨各飛羅衣沾霜  
城烏忽起明日相思孤棹千里

疊韻吳宮詞

筵前憐嬋娟醉媚睡翠被精兵驚升城棄避愧墜淚

鶴媒歌

鶴媒獨步荒陂水仰望雲間飛不起遠看過烏下南汀鼓翼相迎似相喜  
共爲羽族生水鄉暫從飲啄無猜防草盾俄聞中潛弩弋師譴笑媒矜舞  
嗟爾高潔非凡禽胡爲狗食移此心受人馴養忘遠舉好陷同類機腸淡  
嗚呼世間幾人號君子得利相傾亦如此

鬪鴨篇

春波漾羣鳬戲鬪每堪玩宛轉迴翠吭縱橫振文翰聲兼江雨喧影逐浦  
雲亂咬葉隊初交紛披勢將散持敵忽同沉呼儔更相喚時陳水檻側或  
聚湖亭畔長鳴若賈勇遠奮如追竄荷葉觸俱翻菱絲冒齊斷魚駭沒中



流鷗驚起前岸心  
踰隴雉驕氣壓塲雞  
悍客朝自驅溪娃  
晚猶看稍欲礙行  
舟渾忘避流彈苦  
爭應爲食幸勝非  
吳多緣頭鴨世善  
關并微鳥昧全軀  
臨川獨成歎

慧聚寺次張祐韻

烟飯城初出朝來  
野欲吞危樵綠磴  
角倦初憩松根剝  
表藏林寺鐘聞隔  
海村畫龍飛去久  
空掩殿堂門

言公井

寥寥武城宰遺井  
虞山陰千載汲未  
竭九仞功應深  
孰固自可灌道源  
誰復尋絃歌聽已  
歇瓶縵看還沉無  
爲漂弗食惻惻起  
歎音一瓢樂未改  
庶幾回也心

偃松行

在太平山西舊文正書院前

龍門西岡魏公祠  
前有松多古枝長  
身蜿蜒橫數畝巨  
石作枕相撐持  
春泥半封朽死骨  
凍蘇全聚皴生皮  
無心昂聳上霄漢  
偃仰獨向荒山垂  
蟄雷振岳撼不動  
一載一夢醒何遲  
政如臥龍未起日  
深意有待風雲期  
太湖月出照夜魄  
天峰雪積埋寒姿  
濤聲時吼若鼙息  
野老驚起山僧疑

左仰右屈各異態天自出巧非人爲畫師安能把筆寫柑子豈敢操斤窺  
杜陵枯枿已憔悴蜀相老柏非瑰奇何如此樹怪且壽呵衛定想煩靈祇  
不知已閱幾人代游客過盡今存誰明堂屢興不見取得全正愛同支離  
我嘗來觀忍遽反醉坐其上高吟詩葛陂筇竹亦騰化神物終去可久羈  
何當一叱使飛起載我萬里游天池他年還訪舊城郭正是白鶴歸來時

列朝詩集

甲集第五之下終

# 列朝詩集

甲集第六

楊按察基 看菴集古今詩一百一十二首

## 楊按察基

基字孟載先世蜀之嘉州人大父仕江左生于吳中家天平山南赤城之下幼穎敏絕人九歲背誦六經著書十萬餘言名曰論鑒試儀曹不利會天下亂歸隱赤山淮張辟丞相府記室未幾謝去又客饒介所王師下姑蘇藉繇諸陪臣以饒氏客安置臨濠旋徙河南洪武二年放歸葬起知榮陽縣謫居鍾離閒居秣陵久之用薦爲江西行省幕官坐省臣得罪落職四年居句曲山中六年又起奉使湖南廣右召還授兵部員外郎出爲山西按察副使進按察使後被讒奪職供役卒于工所孟載少負詩名會稽楊廉夫來吳下于坐上屬賦鐵笛歌卽倣鐵體廉夫驚喜與俱東謂從游者曰吾在吳又得一鐵優于老鐵矣與高啓張羽徐賁爲詩友人稱國初吳中四傑所著詩名看菴集歿後多放失吳人張習企翻訪求編次得十二卷

感懷十四首

璞玉宜深藏白雪乃寡和和寡非所悲銜玉徒取禍奈何則足者抱璞不知過進非烈士忠退恥愚夫懦庸春匪利直販鬻欲自浣山中一尺雪且復掩扉卧

清霜凋百草亦令脆者堅士不遇患難智慮何由全玄德髀肉生重耳十九年一爲三國雄一稱五霸賢苟不辨菽麥何足攬大權至今巴蜀人歎息後主禪

鄧禹南陽來仗策歸光武孔明卧隆中不卽事先主英雄各有見何必問出處孫曹與更始未可同日語向非昭烈賢三顧猶未許君子當識時守身如處女

蝮蛇冬未蟄藤草寒更生陽光泄爲雷地雷忽有聲上天號令乖致此災異并不然多殺傷兵氣之所成漢廷免三公毋乃非政刑願言調玉燭仰見三階平

三人乃成虎衆口能燦金流言雖不多足移君子心人心本無疑理與勢所侵奈何形似間構結已驤驤入耳卽契合不待間者深陳平雖云智羽有隙可尋高祖誠豁達卒亦誅淮陰營營青蠅詩示古猶示今

位卑諫勿直直諫君心疑交淺言勿深深言友誼虧謬謬衆所惡況復違  
逆之豈不利於行吐蘗而含飴朝登千仞崗振我身上衣丈夫資自潔毋  
論他人非

一女不得織三人歎無衣一夫不暇畊入口皆啼饑饑寒迫於身誰能不  
爲非西伯善養老仁人爲已歸霜寒草木落禽鳥相背飛民心亦何求在  
於得所依此理勿暫失君子慎其微

鵲巢知避歲終爲鳩所居巧者勞不足拙者安有餘溪翁夜結網山人朝  
煮魚墜準入關中不讀半卷書當時微張韓乃與勝廣俱大拙乃至巧巧  
者復何如

驂驪日千里亦在御者功向無造父能乃與凡馬同韓彭豈駕材驅策遇  
沛公增本渥洼兒意不與項通豈獨知馬難所貴御馬工駕御苟失宜鮮  
不敗乃翁蕭蕭帳下驂千駟何足雄

鞠鷹斂六翮栖息如鶴鴈秋風颯然至得目思凌霄英雄在承平白首爲  
漁樵匪無搏擊能不與狐兔遭長星巨東南壯士拭寶刀落落丈夫志悠  
悠兒女曹

善圖須扼吭善戰須搏膺楚不都關中卒爲漢所傾洛陽非用武况乃居  
彭城曹公失荊州致使吳蜀爭五馬渡江南神孫終莫平元師破襄陽宋  
社經已更制勝在得勢勿云險可輕

劍可敵一人書足記姓名歷之十二年書劍兩不成歸來吳楚間豪傑已  
起兵攬鏡照鬚眉一二白髮生老母在高堂未敢卽遠行太息長在夜雞  
鳴星斗橫

浮雲從何來本是山川氣寸陰不終朝一雨浩無際江河會交流草木奮  
妍麗但知潤澤功不識真宰意天風吹玄陰白日照厚地理亂自有常千  
載可坐致

東隣夜從軍西隣曉上官一爲死別愁一爲知己歡歡者承新恩拂拭頭  
上冠愁者囑妻孥結束跨下鞍悲歡何不同一危復一安黃塵障東華平  
地生波瀾朝榮夕賜死轉盼異暑寒寄語承恩人莫歎從軍難

陳平

陳平素無行終爲漢相國陰謀固可鄙奇計凡六出後來諸呂難卒賴陸  
賈力豈緣富且貴臨事意反詘智者猶若斯請爲愚者說

秋夜言懷二首

鮮鮮離邊菊，城下蕙蕙氣。日已銷黃花，自妍麗復恐清商激幽芳。亦凋瘵，寒衣步廣除。露白月在地，鵲飛林影空。蟲語墻陰細，昔賢悲絲染往聖。嘆川逝少壯，不我畱。臨風發長喟，雅志諒難酬。蹉跎老將至，西齋近寒徑。枯葦接深篠，秋風颯然至。索索鳴不了，拋書坐孤榻。眼澁銚暈繞，窓破斜隙明。漏斷餘更悄，平生所欣遇。此夕紛內援，假寐入冥思。南枝有歸鳥。

送謝雪坡防禦出郭團練

朝催築城夫，暮點團結兵。民皆動搖一日，十數驚所賴。官長賢撫勞，得衆情防禦出郊來。父老拜且迎，垂髻及戴白。羅列車下聽，官家百萬師。自足與寇爭，汝自守汝鄉。汝自保汝生，閑暇苟不虞。倉卒恐見傾，我當徵汝勞。薄爾賦稅征，父老共感激。闐然動歡聲，旌旗泊甲矛。五色稍鮮明，豈惟備抄掠。大敵固可嬰，問君何能然。子弟衛父兄，平川雨初收。馬嘶鼓鼙聲，相送不同往。極目秋鷹橫。

送陳資深歸廣



丈夫輕別離投老欲入廣奈何干戈際萬里涉沅沔茲城頗阜庶有女供  
奉養世亂得粗安胡勞問鄉鄰君言吾無家一夕魂九往鄉書昨日至捧  
讀屢泚頤四喪寄淺土未得掩諸壙雖云弊廬在誰復修祀享感茲歸意  
迫無力猶勉強齒髮固已衰尙足嬰擾攘敢忘鄉土情偷安戀茲壤吾聞  
重感激惜別復加賞天寒霜露繁城城枯葉響水宿憶蛟螭山行避魍魎  
田園雖荒蕪果實羅粟橡鄰居喜均還相邀具醅盎酒薄不得醉且復歌  
慨慷人生還鄉樂無物堪比彷彿喜極繼以悲歡戚同反掌番思蘇臺月照  
女夜績紡此時父子情兩地同惚恍安得混車書妻孥共羅幌茲事竟難  
期淚眼一悽愴我家嘉陵江蹤跡久飄蕩亦欲問前途逡巡覓西瀼

贈跛奚

楊錢簡奴也

人笑跛奚蹙我愛跛奚跛雖百跂速夔亦一足可履平疑履齧歷險若  
箕簸立如鷺聯拳行類鰲魁魁形欹裙長前肩脅韓短左非斲涉寒脛豈  
別獻玉蹠附婁濟水厄晒御構兵禍疾同哀駘佗怒及趙女嫫嫫屏屢思  
倚守戶每得坐戒奚勿躁步世路方坎珂

登靈岩和韻周左丞伯溫饒大叅介之

單鱸集羣英席窄坐每盞煙燭半掩寺木落全見塔斜流出渠分曲徑轉  
溪合村粧妍醜並野話悲笑雜童操吳音聞僧作梵偈答霜苔滑難躋露  
棘朽易拉磴紆螳綠樹扉敞蠲啓闔娛賓列五豆禮佛過三帟晴崖暝憂  
雨秋洞寒疑臘窓攀盜果狽簷入避鷓鴣掬池萍沾袖憩石蘚汚衲琴忘  
荒臺弄屨響回廊踏值險慮思筇得奇卽傾榼感深怒須燦愁極衰鬢颯  
華年條川駛雅量浩海納嘯歌激欻獻雄辯肆交沓禪寂虛無量道祖清  
靜蓋叩蠶觸蠻變幻雀化蛤狂遊類飲酎薄宦避嚼蠟終當謝塵鞅掃  
屋分坐榻

贈別龔行義

楚驪風雲姿璞素玉不琢隻身躡雙屐十載食破研麻衣閱冬春睥睨狐  
貉賤胸中何所蓄經史子集傳酒酣文思湧強弩機發箭清眞謝鉛錘越  
女巧笑倩紆盤珠九曲精粹金百鍊粲如星森羅勇若軍後殿吾黨多英  
雄氣索皮肉戰西風忽歸來塵土吹滿面從容問所歷搖首不復辯但云  
秋水清吳松淨如練方同華表鶴遽作幕上燕去住何太輕弗得紆以線  
君材匪樗櫟名字已交薦淵泉暫螻屈霧雨終豹變賢達坎壈多豪傑窮

乏先嗟予書中蠹解消兩目眩朝騎瘦馬出夕飽藜與覓志慙爾狂質  
匪由也嗔猥遭周秦厄不識舜禹禪因君動遐想場足若冒螺卮白菴  
饔聊爲江渚餞回首芙蓉花紛紛落紅片

與陳時敏別

近別會有期遠別易慘悽一人失意行衆賓顏色低相顧各無語握手立  
大堤白沙飛輕煙赤草漫路蹊竈戶八九家皮肉瘦且鰲再拜謁官長鵠  
立無所齎孤廳如荒郵壁落新補泥日没官吏散角角野雉啼歸來對寒  
燈兒女相孩提雖云去鄉國喜不聞鼓鼙官卑職易稱牛刀用割雞回首  
華亭鶴月白露淒淒

雨中效韋體寄道衍

叢林騎重岡迢遞僧居獨憑軒一帳望春雨靡無綠泉香花落磻窓眠松  
圍屋憶爾諷經餘袈裟坐深竹

初夏過寧真道院

偶來高樹下獨坐青苔石澗雨落餘霏衣裳淡生碧道因微物悟理向玄  
言析習靜自無營何妨處靜寂

賦得淨瓶送衍上人

虛瓶湛靈泉行住一鉢友紅簪天女花碧挿大士柳中間涵真虛外潔照  
萬有自盛甘露漿不貯聲聞酒衍師時出定提挈每在手詞鋒當建瓴禪  
寂宜守口

賦得山逐放舟遲送王主簿

舟行山亦移山盡舟亦住青山無故人行人自來去初辭逶迤谷復接叅  
差樹杪轉暮色分帆駛秋嵐度俄停風暫弱旣遠煙重護別意卽山情依  
君屢回顧

觀魚

池陰樹影涼白小紛成隊吹絮圓漚續觸荷清露碎俄沉靜却浮忽遇驚  
還退幸免釣絲憂江鱸且充鱸

賦得萍贈陳久中

浮蹤散寒星一夕生無數魚跳翠乍開漚過青還聚微風和影去急雨連  
根露惆悵別君時楊花滿衣絮

季迪病目醫令止酒因作此勸之

病目須飲酒飲酒調微痾氣血鬱不舒賴此酒力和所以雷公方製藥用酒多活血必酒洗散鬱須酒磨製藥既用酒飲酒良匪他酒可引經絡酒能驅病魔病目不飲酒此蓋醫者譌李白好痛飲不聞日有瘕子夏與丘明不爲飲酒過飲酒既無害不飲如俗何清晨呼東家買置數斗醪爛醉瞑目坐滿目春風醺陶然物我忘夢見孔與軻此藥豈不佳而乃止酒那我今勸君飲君意無嫌媿庸醫或見責請示眉菴歌

贈毛生

丈夫遇知己勝如得美官栖栖無聊中握手意便懽古來豪傑人所就非一端狂言與危行初若不可干從容兩陣間一語九廟安狐貉不外飾而足禦大寒嗟嗟隴西李願識荊州韓

長洲春

穀波流暖雲花光艷綠蘋津頭洗紅女蝴蝶上羅裙羅裙秋水上明璫搖白漿飛下雙鴛鴦瀟瀟潮水響

橫塘晚

川氣夕氤氲愁雲凝晚綠蘭舟蕩秋水東向橫塘宿橫塘花正開紅桃間

竹栽誰家織白苧機聲度水來

梧宮夜

桐堦白露下濕螢光炯炯銅盤燒蠟黃秋衾夢魂冷粉淚鉛華滴雲鬢秋蟬整何處玉鑾聲芙蓉笑孤影

楓陵秋

楓樹落清曉野煙結愁陰聲傳燒竹火人語滄波深鳬飛秋水黑蛩吟涼露白江月參差光芙蓉照芳魄

越來溪

遠岫如蛾眉紫菱葢綠漪小娃木蘭槳採菱溪上歸溪風掃白芷撥亂蘋花起疑是越兵來旌旗照秋水

滄浪波

入苑綠泱泱澱澱紋融暖光東風吹白浪照見赤龍堂龍堂負貝闕陰火春波熱鮫人賣綰綉夜夜唱明月

綺川遊

川水東北流川花照青樓龍船載鳳吹日來川上遊沙明屬玉止茗香翡翠

翠畱漁郎蒲葉底網得雙吳鉤

茂苑思

輦路秋蓬滿野香團綠濕嬪娥粉黛愁  
嬌花鈴露泣鶯聲舊時好玉砌秋歸早  
東家胡蝶飛煙姿滿芳草以上元末在吳作

食燒笋畱題陳惟寅竹間

春雷一聲萬簪玉參差亂近莓苔綠  
斬來掃葉常逕燒何異然其焚秋菽  
登盤查牙玉版肥焦尾碎剝蒼龍皮  
山人大嚼無以報寫作林間燒笋詩  
詠七姊妹花

紅羅闌結同心小七藥參差弄春曉  
盡是東風兒女魂蛾眉一樣青螺掃  
三姊妹娉婷四妹嬌綠窓虛度可憐宵  
八姨秦國休相妬腸斷江東大小喬  
清溪漁隱

清溪秋來水如練歷歷魚蝦皆可見  
綠蓑酒醒雁初飛風急蘆花吹滿面  
溪南一帶是青山逢着垂楊便可灣  
謾道白鷗閒似我漁舟更比白鷗閒  
聞蟬

省菴四十未聞道偶於世事無所好  
尋常惟看東家竹屈指十年今不到

微軀之外無長物寒暑一裘兼一帽妻孥屢嘆升斗絕不獨無煙亦無  
身輕自笑可駕鶴眼明豈止堪窺豹人情世故看爛熟皎不如汚恭勝傲  
有瑕可指未爲辱無善足稱方入妙此意于今覺更深靜倚南風聽蟬噪  
贈故人全王孫

兄爲桂國弟開府門吏紛紛皆繡斧敕賜龍河百畝宮畫戟丹弓映朱戶  
金鳳盤胸白錦襦面如紅玉紫虬鬚六宮曉逐諸王入八府春隨宰相趨  
東風忽念江南好寶騎看花踏春草茂苑鶯聲醉裏聽建章柳色愁中老  
回首瀛洲草木新蒼顏白髮照烏巾都將秋水蛇紋劍贈與長安游俠人

白頭母吟

白頭母烏頭婦婦姑啼寒抱雙股婦哭征夫母哭兒悲風吹折庭前樹家  
家有屋屯軍伍家家有兒遭殺虜越女能嘲楚女詞吳人半作淮人語東  
營放火夜斫門白日橫尸向官路母言我儂年少時夫妻種花花繞蹊夫  
亡子去寸心折花實花窠成瓦墻十年不喫江州茶八年不歸姊妹家蘭  
芽菊本已凍死惟有春風薺菜花只憐新婦生苦晚不見當時富及貧  
簾臺榭桃花塢笙歌院落王家府如今芳草野烏啼鬼火燐燐日未西儂



如葉上霜死卽在奄忽新婦固如花春來瘦成骨婦聽姑言淚如雨妾身已抱橋邊柱縱使征夫戍不歸芳心誓不隨波去

春風行

春風吹花快如剪柳條婆娑顏色淺四更急雨作輕寒零落餘香上苔蘚街泥汚人不出戶強以一樽聊自遣西家酒熟復苦貴收拾春衣倚人典齋廚久斷魚肉腥細嚼芹蘆勝禁衛時平戚戚恐寒飢況乃厄運愁不免醜妻念我憂無薪私爨破簣炊戶健客來嗟吁但枯坐慙愧不得具茶菹今朝棠梨開一花天氣自佳日色睨西南諸峯宛在望暖靄晴煙張翠幘去年驄馬虎丘前醉折櫻桃隨步輦只今咫尺烽火隔高柵長營依塹轉極目郊原草樹空那得鉏犁到溝畝東吳自經五世亂四百餘年絕兵燹物盛還衰滿則虧此理甚明知者鮮嗟予親老諸弟隔晝夜感額眉不展巷哭隣呼不敢聞何暇諄諄問牛喘樓前旌旗芳草闌紫燕未歸簾半捲呼兒插花向晴昊手把短鬚吟更撚筆擬青鞋到處遊繞堤蒲柳春泥軟

春愁曲

小樓十日聽雨卧春雲作團拂簾過金黃楊柳曉初勻雪白梨花春半破

東家胡蝶飛無數西隣燕子歸兩箇玉關萬里尺書稀春風不似春愁大  
結客少年場行

情如飛絮任悠揚心與遊絲共短長花底若教連日醉座中猶可少年狂  
新調錦瑟爭傳譜巧製羅囊別貯香衣以鳳翎分縫織帶將蛇角徧鞋裝  
豪名獨擅秋千社狹氣平欺蹴鞠場白璧一雙酬劍客明珠百斛買胡娼  
金丸挾彈章臺左寶騎聞箏太液傍梅子短牆羞擲果桃花深塢笑分漿  
每嘲春比人先老不信愁如海巨量猶有舊時桃李夢尚隨胡蝶到遼陽  
毬場曲

軟紅十里平如掌馬蹄踏沙輕不響金袍玉帶五陵兒飛騎擊毬珠作賞  
身輕蹕捷馬游龍綵仗低昂一點紅倏忽飛星入雲表據鞍回袖接春風  
有時隨地香塵滾楊花亂撲桃花粉就窩奪得笑歸來月牙輕旋驪珠穩  
一生嬌貴厭朝天不信人間有倒懸但得花間風月好打毬場上自年年  
廢宅行

弓刀掛牆旗拂瓦行人過門須下馬日暮將軍縱酒歸白棒橫街人亂打  
朱門一閉春草積官印斜封泥泥壁守卒收鰕屋後池隣翁晒麥堦前石

簾幕當年盡綺羅  
網絲顛倒腐瑩多  
杏梁風雨丹青濕  
時有野鳩來做窠  
樓臺易成還易廢  
前年猶是桑麻地

雪中柳

春雪晚蕭蕭  
隨鶯上柳條  
漸將絲共結  
終與絮俱飄  
淚粉凝啼眼  
珍珠壓舞腰  
東風自憐惜  
畱映赤欄橋

雪中燕

燕雪兩差池  
相兼拂繡幃  
玉樓迷故壘  
珠箔見烏衣  
斜訝衝花落  
輕疑掠絮飛  
曉寒人未起  
還認畫梁歸

秋齋雜賦

五首

劉表知先主  
懷王識沛公  
才聞收夏口  
先已入關中  
今古車書異  
興衰曆數同  
方驚雜作鳳  
當信聳非鴻

今日長洲苑  
秋風列羽旌  
不圖新約法  
復見舊威儀  
鼓舞兒童樂  
歌謠父老悲  
煙埃方袞袞  
禾黍正離離

嘆息馮唐老  
吁嗟李廣賢  
窮通元有命  
生死詎非天  
鼓角四風裏  
江湖短髮前  
南飛有鴻雁  
一字若爲傳

晚樹霜猶碧秋花雨未黃戎衣輕繡錦旅食尚糟糠驛路千山隔河流一  
葦航母憂兵不戰已定法三章  
還卒去不返行人愁未回正須犀作甲毋用玉爲杯清淚尋常落丹心早  
晚灰交仍期管鮑書或似鄒枚

秋日舟中見蝶

趁暖戲晴川依人上畫船粉銷燿翅薄香冷露鬚拳野菜疎籬外山花小  
逕邊夜深桃李夢猶在綺羅筵

荷葉

圓的破蓬苞孤莖上藕梢雨撐栖鷺屋風捲蔭龜巢溪友裁巾幘虛人作  
飯包小娃曾已折新月裏潮坳

雨

雨急愁雲黑窓虛愛竹青石泉流細細山鳥去冥冥醉裏傾荷葉飢來煮  
茯苓不知劉道士何用換鵝經

偶題

身懶交遊絕時危感慨新清江催短髻芳草怨歸人花落縱橫雨鶯啼淡

蕩春欲搖舟楫去波浪沒平津

贈沈真仲徵士

花落滿煙莎蘭舟喜見過壯心丹未已愁鬢綠無多小燕斜斜舞新鶯婉婉歌都將舊遊意一笑付江波

送王仲容之上海

薄宦依東海孤城曷戍烟花疎寒食後人遠暮帆前深巷編蒲履斜崗種木綿毋煩厭荒寂微祿有畬田

寄葉總彰戴叔能

江遠樹層層蒲荷葉漸增酒樽池閣雨棋局夜船燈竹淨刪逾瘦花疎掃未能亭亭川上鵲風雨看飛騰

寄海鹽楊砦官

海嶼通村險邊城出敵遙旗燈秋塞雨鈴柝夜溝潮士飽爭投石農閑數舞箭毋令廢收穫高隴有枯苗

贈婉素

同祀碧雞神絲蘿又結姻文如謝道韞書逼衛夫人與缺終相敬梁鴻不

厭貧還肥事荆布歸釣五湖濱

方氏園居七首

北墅花遲屋東園菊遶庄病長陪客坐老不厭人狂  
鵝鴨雙陂雨楂梨小樹霜他年倘相遇里邑定名方

多水少塵埃經年不掃苔竹繁頻洗菜松老別求栽  
雪竇看碑入雲牕晒帖開徐文與張羽乘月想能來

秋氣入郊墟新涼似雨餘囊收試驗藥藥集著成書  
酒熟知愁減花開覺病除何曾廢錢買山果及溪魚

解珮酬琴價將書當酒貲竹樓聽雪夜梅屋看花時  
女嫁爲農婦兒從作園師隣翁無奈俗招飲豈能辭

舊物嗟孤劔春風別五陵未衰先遣妾已靜更疎僧  
往事真騎虎中年得縱鷹兩溪千頃月談坐不須燈

由來種瓜地隨處卽青門習俗羞營利甘貧恥受恩  
掛蓑秋樹濕濯足晚溪渾欲訪齡年友漂零只自存

回汀兼復渚迢遞入漁邦有港皆通檝無山不到窓  
疎煙春隴犢深雪夜

離厖過客停舟問而翁恐姓龐

。送路季璉問聘河東時東駕出師太原

三晉封疆拱帝圻兩河山色照戎衣青虹貫日隨星出赤鳥如雲夾電飛  
使者梅花春後折王孫芳草夢中歸入朝若問東南事積粟如山萬馬肥  
聞官軍南征解圍有日喜而遂詠二首

兩河精騎向襄陽全蜀材臣出鳳翔天下風雲爭會合江東子弟謾搶攘  
人皆厭亂思平世誰不將歸說故鄉我有先塋依古井十年不奠一壺漿  
官軍聞說下揚州夢裏扶搖賦遠遊天運未容人力勝民心須順物情求  
遭逢喪亂生何補見得昇平死卽休沽取一壺花下酌弟兄兒女笑相酬  
。寄楊鐵崖先生

不見雲間楊鐵史寮中七客近如何老來詩句疎狂甚亂後文章感慨多  
長笛參差吹海鳳小璫楊柳舞天魔春明且盡嬉遊樂莫解梁鴻五噫歌  
先生所居名七者寮

懷悼朱秦仲總制

力盡戈鋌援不回猶揮赤手搏風雷波濤失意蛟龍伏肝膽如杠虎豹推

謾使張遼說關羽誰將全武易秦裴煩君更緩須臾死要對春風酒一杯

。郡齋養病呈醉樵內史二首

江雲倏忽暝還收五月猶寒著弊裘芳草斜陽看易晚綠荷疎雨聽如秋  
池塘空闊蜻蜓喜簾幙蕭條燕子愁不是無言成獨坐暫將心事靜中求  
小軒新沐喜神清短帽單衣覺漸輕松下琴書晴亦潤竹西窓戶晚猶明  
愁來對酒心先醉病後看花意懶行却憶故山深處立綠蘿千樹叫流鶯

。和謝雪坡錢塘見寄

經旬不見謝宣城小楷烏絲寄遠情黃篋樓高春夢破綠羅衣薄暮寒生  
鶴臨沙渚鷗俱浴花落江泥燕與爭亦欲雨簑搖短楫西湖新水蕩空明  
。赤山書事寄輓巢謝隱君君南蘭陵人今避兵居吳長洲之獨樹

湖

曾向溪南看藝麻竹扛兜子一肩斜秧苗尚短仍含穀荷葉纔高已上花  
蠶屋柘煙朝焙繭鵲爐沉火晝薰茶而今風雨成拋絕卧聽西園兩部蛙  
聞雪坡將遺吳門

桑葉重重戴勝飛行人多報故人歸鬢從別後星星出花到春深樹樹稀



詩喜官閑能不廢身緣謀拙事多違便須出郭相迎迂遮莫南風雨滿衣

江村寒食

預折楊枝插繞簷  
荳糜香軟麥餠甜  
春衣未染新絲織  
午篆猶分舊火添  
小雨送花青見鶯輕雷催笋碧掐尖  
不因人遠傷離別  
那得春愁上短髯

春日雜詠二首

偶自循籬出逕苔刺桐花落野棠開  
一年春已無多在幾箇人曾有暇來  
浸穀陂塘科斗亂浴蠶時節杜鵑哀  
買山莫種閒花柳多覓松栽與柏栽  
陋巷荒蕪野趣濃小溪春水恰船通  
無邊草色猶春雨有幾梅花更晚風  
文體散期虛駱並交情惟許范張同  
欲將浪迹隨瀝鳥錯比溪南是瀝東

殘雪

庭雪半消殘猶存舊臘寒春風如有意  
留待隔年看

陌上桑

青青陌上桑葉葉帶春雨已有催絲人  
咄咄桑下語

隔簾聽歌

低處取多情聲遲拍轉停坐中腸亦斷  
況乃隔簾聽

花開

化開醉不休花謝莫深愁縱使花長在東風也白頭

壺中二色桃花

素頰映紅腮西園共折來憐渠竟先落知是最先開

折花贈內并代答二首

人面玉娟娟花枝更可憐憑從畫眉手折寄鏡臺前一朶折春風花濃意更濃而今映花面不似向時紅

瓶中插梨杏桃李四花有詠

各自媚春光輕紅映淺粧日融花氣暖忘却是誰香

彈琴高士

江靜月在水山空秋滿亭自彈還自罷初不要人聽

白雲泉

泠泠白雲泉流向白雲邊泉水流不斷白雲飛上天

夜坐

窓寒雪亂飛雁帶邊聲過對影却增愁吹燈暗中坐

示楊水西

親遠更家貧將歸未有因相逢難說與君是故鄉人

卽景四首

長眉短眉柳葉深淺色桃花小橋小店沽酒新火新煙煮茶  
今年去年酒債三月兩月春愁看山看水出郭聽雨聽風倚樓  
東家西家燕飛明日後日春歸多愁多病送客無酒無錢典衣  
桃花杏花紅白蒲葉芷葉參差飛高飛下蝴蝶行去行來鷺鷥

天平山中予家赤山相去不五里許

細雨茸茸濕棟花南風樹樹熟枇杷徐行不記山深淺一路鶯啼送到家  
稱稱初度

我年六六鬢如絲見汝三齡却兩基願得汝長并我老太平還說亂離時  
紅綠蕉二仕女圖

兩樹紅蕉隔禁扉曉涼携伴試羅衣金鈴小犬迎人吠應怪秋來出院稀  
十二紅圖

何處飛來十二紅萬年枝上立東風楚王宮殿皆零落說盡春愁暮雨中

故山春日 四首

千花萬萼委塵埃，只有荼蘼獨自開。  
應是隣家更零落，過牆蝴蝶又飛來。  
梨花兩枝春可憐，下馬折花山逕邊。  
山中人家改新火，隔樹吹來榆柳煙。  
寂寂青山一鳥啼，紫藤花落午風微。  
不知刻漏長多少，但覺桐陰半日移。  
春來芳草踏成蹊，半是車輪半馬蹄。  
多謝清明三日雨，舊痕新綠一般齊。

寄陳惟寅惟允

坐有重瓊食有魚，眼能識字手能書。  
山於秋水船頭看，家在春波門外居。

二美人圖

半晌無言却斂眉，玉簪斜墮翠鬟欹。  
相逢莫說傷心事，才入深宮自得知。